

# بسمه: الفرق بين معاملة أهل البدو والحضر في معاملة النساء |

## للشيخ الحويني

أبو إسحاق الحويني

قال وكنا معشر قريش قوم نغلب نسائنا فلما قدمنا على الانصار اذا هم قوم تغلبهم نساؤهم ده الفرق بين معاملة اهل البدو للمرأة واهل الحضر للمرأة ليه اهل الحضر اللي هم في المدينة - [00:00:00](#)

طيب ها ها يعني مش فاين بس يعني حتى تلاقي الراجل يقول لامراته مسلا في في المول او السوبر ماركت يا ماما انت عايزة الحاجة دي اصبحت مسألة دارجة. انا كنت شغال زمان في سوبر ماركت - [00:00:23](#)

يعني وكنت استغرب الاول ما كنتش فاهم الجماعة بتوع الحضر دول واللغة بتاعتهم او لكل قوم لغة الاقي المرأة مسلا صغيرة في السن والراجل عجوز وبعدين بنقول لها يا ماما اقول معقول دي امه! انا بيني وبين نفسي يعني. اقول معقول دي تبقى - [00:00:44](#)

امه دي ده المفروض امه تبقي ارشانة يعني. هو مسلا راجل قد كده والست لسة بسكوته يعني حاجة صغيرة يعني فقلت لصاحب المحل قلت له قلت له معقول دي تبقى امه؟ قال لي لا دي مراته. قال قلت له ازاي؟ بيقول لها يا ماما. قال لي ما هو ده اللي ماشي في - [00:01:02](#)

دي العملة السائدة يعني وتبص تلاقي الكلام الجميل اللي النساء بتحبه وموجود عند اهل الحضر يعني المرأة دايم الشاكر بقى الواحد عايش مشاكل البيوت والكلام ده من حوالي سبعة وعشرين سنة يعني - [00:01:22](#)

فاللي لاحزته مسلا تقول لي الست مسلا تقول لي ما عدش رومانسي ما عدش بيقول لي كلام جميل والكلام ده كنا في اول الزواج ياخدني وكنا نشبك ايدينا في ايدين بعض. دلوقتي مش مش ممكن. حتى اقول له حط ايدك في ايدي ما بيرضاش يحط ايدي في ايدي - [00:01:40](#)

وكان ايام كتب الكتاب بيعمل مشاكل مع ابويا. ليه؟ يقول له آآ انا عايز نروح آآ نصلي في الجامع سوا بعد ما تزوجنا اقول له خدني الجامعة عايز احضر الخطبة قال لها مش فاضي. ها - [00:01:56](#)

وعايز يقعد معه يشرح لها فقه السنة واللي مش عارف ايه بتاع الكلام ده. ليه عايز يقعد اطول ايه مدة ممكنة وهو لسه عاقد يعني. بعد ما بيتزوج وخلص وانتته - [00:02:12](#)

القصة خلاص ما عدش ايه لا عايز ياخذ المرأة لها في مسجد ولا ياخذها فسحة ولا ولا الى اخره ده ده نمط المدينة عموما نمط البدو والريف المرأة للخدمة والخلفة - [00:02:22](#)

هو ده النمط وانتم اللي تشوفوا مسلا في البدو تلاقيهم كده ما فيش واحد بدوي مسلا ممكن ايه يتكلم بالكلام الجميل الحلو اللي بيقوله اهل الحضر. والكلام ده للمرأة يعتبر انه عيب - [00:02:40](#)

حتى ان المرأة لو حاولت انها ترقق صوتها ايه يا ولية انت! انت ايه ايه الموضوع ده! ايه الدلع الفارغ اللي انت عايشة فيه ده ومش عارف ايه والكلام ده! بتتكلمي جد - [00:02:54](#)

ما يقبلش منها الايه ما يقبلش منها الكلام. على طول صد رد. ده الكلام ده اهل البداوة او اهل الريف يعملوا ايه للكلام ده. عمر الخطاب ده كان آآ من المهاجرين - [00:03:04](#)

تمام يقول كنا معشر قريش قوم نغلب نسائنا نغلب نسائنا يعني ايه؟ يعني المرأة ليس لها رأي اطلاقا ما تكلمش ابدًا. الراجل يتكلم

مهما يتكلم يغلط ما يغلطش. المرأة ما تشورش عليه في حاجة - 00:03:19

قال فلما قدمنا على الانصار اذا هم قوم تغلبهم نساؤهم يعني الست بتمشي كلامها على الايه ؟ بتمشي كلامها على الراجل مش معنى  
ذلك ان الراجل ضعيف الشخصية ولا حاجة لكن لا يكرمهن الا كريم - 00:03:38